


古490-30



745


初-2



14
15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42

古
430
745





金薤琳琅卷四

太僕少卿吳郡都



漢博陵太守孔雋碑

并陰

漢司隸校尉魯峻碑

并陰

漢北海相景君碑

并陰

漢敦煌長史武斑碑

漢博陵太守孔雋碑

君諱雋字元上孔子十九世之孫潁川君之元
子也君少履天姿自然之匹帥禮不爽好惡不

愆考衷度衷脩身踐言龍德而學不至於穀浮
游塵埃之外嚼焉汜而不俗郡將嘉其所履前
後聘召蓋不得已乃翻爾束帶宏論窮理直道
事人仁必有勇可以託六授命如毛諾則不宿
美之至也莫不歸服舉孝廉除郎中博昌長疾
病畱宿闕一遷闕一京府丞未出京師遭大君
憂泣踰臯魚喪過乎哀謹畏舊章服竟還署試
拜尚書侍郎無偏無黨遵王之素蘼可黜否出
闕二度日恪位佇所在祇肅拜治書御史膺臯
字

陶之

闕一字
作原疑卽廉字

恕

闕二字

參之

闕五

律祇用

既平

闕一字

博陵太守郡阻山

闕三字

以饑饉斯多

草竊罔不

闕一字

賊劉

闕一字
作尋卽曼字

張丙等白

日攻剽坐家不命君下車之初

闕一字

五教以博

闕一字

削四凶以勝殘乃

闕三字

爰尙桓桓拚馬蠲

害醜類已殫路不拾遺斯民以安發號施憲每

合天心

闕一字

之所惡不以強人義之所欲不以

闕三字

姓樂政而歸于德望如父母順如流水遷

下邳相河東大守舉此

闕二字

君子風也未怒而

懼不令而從雲行雨施闕二大和海內歸公鼎

之任矣勞而不伐有實若虛固執謙需以病辭

官去位闔闕一以孝竭闕一餘暇得徠彈琴擊

磬闕二之味而不改其靜上帝棊謔天秩未究

將據師輔之紀闕一綱闕一疾彌流乃碩乃闕二

字卅九建寧四年七月辛未闕三哀哉冤神超

邁家兮冥冥遺孤忉絕于嗟想形闕二哀遠念

不欲生羣臣號咷靡所復逞夫逝往不可追兮

功闕三識惟君之軌迹兮如列宿之錯置易建

八卦揆肴繫辭述而不作彭祖賦詩皆讚所見

于時頌闕二是闕一吏崔闕三王沛等伏信好

古敢詠顯闕一乃刊斯石欽銘洪基昭示後昆

申錫鑒思其辭曰

穆穆我君大聖之胄惇懿允元獻其元秀惟鬱

降精誕生忠良奉應郡貢亮彼我闕一克明王

道辯物居方周闕四也匹名朝無秕政直哉惟

清出統華夏化以典成闕一猗殄逆賢倚闕一

庭帝重乃勛自闕二征所臨如神闕六之翰先

庭帝重乃勛自闕二征所臨如神闕六之翰先

民是程宜乎三事金鉉利貞而絜白駒俾世慎
惻當享眉耆莫匪爾極大闕三字邈矣不意于嗟

悲兮闕三字息漫漫庶幾復焉所力咨乎不朽沒

而德存伊尹之休格于皇天惟我君績表于丹

青永永無沂與日月并于嗟闕二字于以慰靈

右漢博陵太守孔雋碑雋孔子十九世孫

與孔宙蓋弟兄行嘗為尚書侍郎治書御

史可謂顯矣闕里志世表宗譜皆不見其

名字而碑文類此亦不載向微搨本之存

則後世不復知有雋矣

孔雋碑陰

故吏司徒掾博陵安平崔烈字威考故吏齊闕一

字博陵安平崔恢字行孫故吏乘氏令博陵安

平王沛字公豫故吏司空掾博陵安國劉惠字

伯相故吏外黃令博陵安國劉揚字子長故吏

白馬尉博陵博陵齊智字子周故吏五官掾博

陵安平劉麟字秀公故吏五官掾博陵安平王

璿字顯祖故吏五官掾博陵安平孟循字敬節

故吏五官掾博陵高陽史應字子聲故吏五官掾博陵南深澤程祚字元祐故吏五官掾博陵安國劉

機字闕一閣

右孔憲碑陰故吏出博陵者凡十有三人故其額不稱後官而直書博陵洪氏以為故吏而甘棠之惠痛夏屋之傾相與立碑遂以本郡題其額也此或得之然予觀漢碑亦往往有書前官者又似不必拘此金

石錄乃云不知何謂非也

漢司隸校尉魯峻碑

君諱峻字仲嚴山陽昌邑人其先周文公之碩

胄闕二伯禽之懿緒以載于祖考之銘也君則

監營謁者之孫修武令之子體純蘇之德秉仁

義之操治魯詩兼通顏氏春秋博覽羣書無物

不桀學為儒宗行為士表漢闕一始仕佐職牧

守敬恪恭儉州里歸稱舉孝廉除郎中謁者河

內太守丞喪父如禮辟司徒府舉高第侍御史

東郡頓邱令視事四年比縱豹產化行如流遷

九江太守

闕一

殘酷之刑行循吏之道統政

闕一

字載穆若清風有黃霸召信臣在潁南之歌以

公事去官休神家術未能一暮爲司空王暢所

舉徵拜議郎太尉長史御史中丞延熹七年二

月丁卯拜司隸校尉董督京輦掌察羣寮蠲細

舉大權然疏發不爲小威以濟其仁弼中獨斷

以效其節案奏

闕一

公彈紕五卿華夏祇肅佞

穢者遠遭母憂自乞拜議郎服竟還拜屯騎校

尉以病遜位守疏廣止足之計樂於陵灌園之

契閉門靜居琴書自娛年六十一熹平元年

闕一

字月癸酉卒明年四月庚子葬于是門人汝南

千商沛國丁直魏郡馬萌勃海呂圖任城吳盛

陳畱誠屯東郡夏侯宏等二百廿人追惟在昔

游夏之徒作諡宣尼君事帝則忠臨民則惠乃

昭告神明諡君曰忠惠父息獻不才弱冠而孤

承堂弗構析薪弗何悲蓼莪之不報痛昊天

靡嘉

闕一

企有紀能不號

薈

嗟

刊叙哀其銘

曰

巖巖山岳礪落彰較堂堂忠惠令德孔爍命

闕

字時生雅度宏綽允文允武厥姿烈遵內懷溫

潤外撮強虐督司京師蘇然情邈當

闕

字

緝職

為國之權匪究南山遐邇切惻凡百君子欽諡

嘉樂永傳億齡喚矣昉昉

右漢司隸校尉魯峻碑水經注以峻為恭

趙氏謂方輿志寰宇記皆作峻而辨水經

之誤予家舊藏此碑峻字明白可識趙氏

果有其本何乃不知而必證之以地里書

也歐陽公謂峻最後為屯騎校尉而碑首

題云司隸校尉莫曉其義隸釋云漢人碑

志或以所重之官揭之司隸官尊而職清

非列校可比故書之也此足以祛歐公之

惑鄭夾漈又謂此碑書于蔡邕按徐浩古

迹記其敘邕書惟三體石經西岳光和殷

華馮敦數碑及考其他字書亦未聞邕嘗

書此不知鄭氏何所據也

魯峻碑陰

故吏河內闕一字營闕一字幼流闕三字故吏九江壽

春傲龔伯闕一字案碑作麟五百故吏九江壽春任闕一字

字孝長五百故吏東郡頓邱許瑜伯過五百門

生沛國譙丁直闕一字案碑作景榮千門生勃海闕二字

案碑作呂闕一字案碑作圖世階千門生東郡汝陽段

敦登高千門生汝南召陵干商朝公五百門生

南陽新野闕一字案碑作魏顯文闕一字案碑作臺五百門生

平原闕一字案碑作服乃般字路龍顯公五百案原本於此下脫四

人門生平原西平昌王瑞子行五百門生陳畱

尉氏胡嵩永高五百門生陳畱尉氏胡昱仲表

五百門生濟陰定陶棣尊子然百門生任闕一字

案碑闕一字樊兒案碑作雄太平五百門生平原樂陵

路福世輔三百門生魏郡闕一字邱李牧君伯三

百門生魏郡繁陽王輔子助三百案原本此下又脫四人茲

據碑補錄門生任城任城周普妙高三百門生任城

任城吳盛子興三百門生勃海闕一字合梁愔叔

節三百門生河東蒲反李闕二字時三百門生河

東蒲闕一字案碑作反陽闕二字文智三百門生汝南汝

陽鄭立闕二字三百門生東郡闕一字邑闕三字松二

百門生東郡闕一字平闕四字二百門生東郡樂平闕四字二

案碑作邢顥闕一字二百門生東郡樂平闕四字二

百門生魏郡內黃闕四字案碑上三三百門

生魏郡闕一字案碑作犁陽王闕一字少闕一字三百門生

汝南瀝強尹稜闕二字二百門生汝南瀝強尹顥

字闕二字二百門生勃海南皮劉扶節闕一字二百門

生勃海南皮劉盛興闕二字二百門生河間阜成

東鄉晨子闕一字二百門生河間阜成東鄉恭公

字闕一字二百門生平原西平昌劉士景闕一字二百

門生平原服張謙伯讓二百門生陳畱尉氏夏

統子思二百門生濟陰乘氏許仁伯德二百門

生濟陰闕一字案碑作離狐周維元興二百義士梁國

寧陵史強強良二百

右魯峻碑陰歐陽公趙明誠皆失收錄至

洪丞相隸釋於漢碑搜羅殆盡而亦復遺

焉予家此碑不特人間少有且文字麓完

可讀惜不令三公見之

案隸續有魯峻斷碑陰洪氏跋云九十有一人書姓氏而不名惟徐袁二人有郡藏碑者以為魯碑陰雖無所據度其石之廣適與魯碑合所存乃其下之四橫計其上當更有十橫碑載于馬呂吳誠夏侯等三百二十人為魯作諡七子題名當在前列一石之上正可容三百二十人之數又字體頗與魯碑相類若無可疑今攷此碑凡三列存者僅二列四十一人下一列已漫滅各書郡縣名字及故吏門生義士之稱并由錢之數與隸續所載無一人同至若為魯作諡之七子洪氏祇懸斷其有而此碑兩列中如干商丁直馬萌呂圖吳盛已明列五人惟誠屯夏侯宏二人無之當在第三列也據此則南濠所錄似較確鑿而洪氏誤以他碑之陰為魯峻耳因獲原

碑校正附識于此

漢北海相景君碑

惟漢安二年仲秋闕二故北海相任城景府君

卒歎歎哀哉國闕二寶英彥闕一字案隸釋

疇列宿虧精晚學後時于何穹蒼布命授期

宥生有死天寔為之豈夫仁哲攸勉不遺於是

故吏諸生相與論曰上垂羣后莫不流光闕一字

於無窮垂芬耀于書篇身歿而行明體亡而名

存或著形像於列圖或繫頌於管絃後來詠其

烈竹帛敘其勲乃作誄曰伏惟

明府受質自天孝弟淵懿帥禮蹈仁根道核藝
抱淑守貞晶白清方勉已治身寔深寔剛乃武
乃文遵考孝謁假階司農流德元城興利惠民
強禦改節微弱蒙恩威立澤宣化行如神帝嘉
厥功授以符命守郡益州路遐戀親躬作遜讓
夙宵朝廷建英策字忠謹辨秩東衍璽追嘉錫據
北海相部城十九鄰邦歸向分明好惡先以敬
讓殘偽易心輕黠逾竟鴟梟不鳴分子還養元

二鰥寡蒙祐以寧蓄道脩德闕一祉以榮紛紛

令儀明府體之仁義道術明府膺之黃朱邵父

明府三之台輔之任明父宜之以病被徵委位

致仕民闕一思慕遠近搔首農夫釋耒商人空

市隨舉飲淚奈何朝廷奪我慈父去官未旬病

乃困危珪璧之質臨卒不回獻闕一實絕奄忽

不闕一孝子慙慙顛倒剝摧遂闕一勉寤永潛

長歸州里鄉黨隕涕奔哀故吏忉怛獻歆闕一

案碑作低 侗四海冠蓋驚慟傷懷大命闕一期寔惟

天闕一明主設位明府不就臣子欲養明府弗

畱歎歎哀哉

亂曰考績幽窆闕二兮闕四翔議郎兮再命虎

將綏元二兮規英榘謨主忠信兮羽衛藩屏撫

萬民兮闕四恩闕二兮宜參闕一字鞞闕一字

榦植兮不永塵壽棄臣子兮仁敷海外著甘棠

兮闕一石勒銘闕一不亡兮

右北海相景君碑金石錄云在濟州任城縣蓋任氏在漢為任城人也予按濟州即

今之濟寧州今碑乃在州學不知何年移

置於此通志金石略以不知其地故直云

未詳姚江謝中舍大中近過濟寧搨以見

惠予家自祖宗來藏碑頗富兼以予好收

錄中間得于朋友之助者十常四五如此

碑是也

北海相景君碑陰

故闕一中部督郵都昌羽忠字定公故門下督

盜賊劇闕一頌字闕一遠故門下議

史平昌蔡規字中舉故門下書佐闕一字陵孫榮

字丑榮故門下書佐淳于逢闕一字案碑作訢字闕一字

成故騎吏劇闕一字麟字闕一字案碑作敬石故吏朱虛

孫徵字武闕一字故吏營陵薛逸字伯踰故吏營

陵闕二字中字闕一字故吏都昌呂福字孟闕一字故

吏都昌張闕一字字光闕一字故書佐都昌羽質字

孟闕一字案碑作初故書佐闕一字案碑作朱虛闕二字案

字君大故書佐闕一字壽淳于闕四字案碑闕一字故

書佐營陵徐會字昌華故書佐都昌闕一字案碑作張

彤字闕一字案碑作朔甫故書佐淳于孫悝字元闕一字

故書佐營陵鍾顯字闕一字案碑作槐寶案原本此下

補行義劇張敏字公輔故書佐劇乘禹字伯度

故書佐東安平闕一字案碑作閻廣字廣宗故書佐劇

紀政字丑堅故書佐淳于孫眺字威光故脩行

都昌台邱暹字丑德故脩行都昌董方字季方

故脩行營陵闕一字字漢興故脩行都昌闕二字

案碑作字闕一字久故脩行營陵闕二字案碑作是

盛字護宗故脩行營陵闕一字暹字武闕一字故脩

金華珠璣 卷四 三

行營陵臨照字景耀故脩行都昌張駿字臺闕一

字故脩行營陵淳于登字登成故脩行營陵顏

理字中理故脩行營陵水邱邵字君闕一故脩

行都昌呂興字丑興故脩行都昌逢進字丑安

故書佐劇徐德字漢昌故書佐劇姚進字元豪

故書佐劇邢鍾字元鍾故書佐都昌張翼字元

翼故脩行都昌張闕一字季遠故脩行劇中闕一

字季遠故脩行平闕二字案允字伯允故

脩行淳于趙尚字上卿故脩行都昌段音字丑

節故脩行都昌齊晏字闕一子故午營陵闕一

案碑遷字丑達故午營陵留敏字元成故午淳

于董純字元祖故午營陵縹良字丑騰故午朱

虛炆詩字孟道故午都昌呂邱遷字孟堅故闕二

字都昌齊冰字文達故闕二都昌張亮字元亮

行三年服者凡八十七人案碑第三列姓名下

今依隸續補錄闕二字案虎闕二故臣吏慎終追遠闕六字

碑作豎建闕二字墳園闕二禮備陵成闕一立樹

上五字作諒闕闕二沈思守下闕

金苑珠玑 卷四 三

列既就聖典有制三

闕三字

當離墓側永懷

闕六字

以義割志乃著遺辭以明

闕三字碑作厥意

案靈瑕顯

降垂嘉祐

右景君碑陰列門下書佐及故吏等中有

脩行凡十九人趙氏謂後漢書百官志注

河南尹官屬有循行一百三十人而晉書

百官志亦有循行以為循脩字畫相類遂

致譌謬予謂景君碑刻于漢而後漢書舊

皆出傳錄則以脩為循者特傳錄之誤耳

趙氏不信碑本而信漢書且復引晉書為

證殊不知晉書脩于唐其亦曰循行蓋仍

漢書之誤而云然也

漢敦煌長史武斑碑

建和元年太歲在丁亥二月辛巳朔廿三日癸

卯長史同

闕下

敦煌長史武君諱斑字宣張昔殷王武丁久伐

鬼方元功章炳勲藏王府官族分析因以為氏

焉武氏蓋其後也商周徼藪歷世曠遠不隕其

美漢興以來爵位相踵闕一字 朝忠臣君秀闕一字

顏閔之闕一字 案碑作楸 質長敷旃夏之文學慈惠寬

孝友元妙苞羅術藝貫洞聖闕一字 博兼闕二字

耽綜典籍闕三字 純求福不回清聲美行闡形

遠近州郡貪其高賢闕二字 請以闕二字 歲舉闕一字

翼紫宮闕二字 詔徐光顯王室有闕一字 於國帝庸

嘉之掌司古闕一字 領校祕鄭研闕一字 幽微追昔

劉向辯賈之徒比闕一字 萬矣時戎闕二字 匡正一

朝廷惟憂闕二字 有司闕二字 舉君斑到官之

日闕一字 癘吏士哮虎之怒薄伐闕九字 竝百姓賴

之邦域既寧久勞于外當還本朝以叙左右以

永嘉元年闕一字 月闕一字 日遭疾不闕一字 哀闕一字

於是金鄉長河開高陽史恢等追惟昔日同歲

郎署感闕一字 為自古在昔先聖與仁闕二字 興替

人存生勞死哀是闕一字 萬年伊君遺德闕一字

孔之珍故闕一字 石銘碑以旌明德焉其辭曰

於惟武君允德允恭受天休命積祉所鍾其在

孩提岐嶷發蹤謙闕一字 守約惟誼是從孝深凱

風志潔羔羊樂是闕二恬此闕一光孳孳臨川

闕見闕一墻庶仰其首微妙元通闕一然清選

闕六升闕二為帝股肱執助大和萬民闕一案碑

古攸字乃蒙顯宗闕二史官書功昊天上帝降茲

鞠凶晡忽徂逝闕四不享闕一耆大命闕二百

道寮惟闕一后帝感傷學夫喪師士女悽愴闕一

字表金門令問不忘垂闕一後昆萬載歎誦

尚書丞沛國蕭曹芝闕一宣成武令中山安熹

曹种闕二豐令下邳良成徐崇闕二故陳留府

丞魯國魯闕四防東長齊國臨菑菑字紀伯

允書此碑嚴祺字伯曾

右漢敦煌長史武斑碑歐陽公謂其字畫

殘滅氏族州里官闕卒葬皆不可見趙氏


謂以所藏本考之斑官闕氏族與卒之年

月皆歷歷可辨趙氏生歐公之後不應其

本若是豈歐公者揭于當時而趙氏者得

之古揭耶予家本視趙氏雖若不逮然亦

有可觀者



金薤琳琅卷五

太僕少卿吳郡都

穆



漢執金吾丞武榮碑

漢荊州刺史度尚碑

漢桂陽太守周府君碑

并陰

漢衛尉衡方碑

漢執金吾丞武榮碑

君諱榮字舍和治魯詩經韋君章句闕幘傳講
孝經論語漢書史記左氏國語廣學甄微靡不

貫綜久旂大學藐然高厲羸於雙匹學優則仕
爲州書佐郡曹史主簿督郵五官掾功曹守從
事年卅六汝南蔡府君察舉孝廉闕二郎中遷
執金吾丞遭孝栢大憂屯守元武感哀悲慟加
遇害氣遭疾隕靈闕四君卽吳郡府卿之中子
敦煌長史之次弟也廉孝相承亦卅載德不忝
闕四命闕一不竟台衡蓋觀德於始述行於終
於是刊石勒銘垂示無窮其辭曰
天降雄彥資才卓茂仰高鑽堅允文允武內闕一

字案三署外闕一師旅闕一勒屯守舊威闕一

字武闕一旗絳天雷震電舉歎燿赫然陵惟哮

帟當遂股肱闕一之元輔天何不弔降此闕一

咎癘乎我君仁如不壽爵不副德位不稱功咸

襄傷愴遠近哀同身沒闕二萬世諷誦

右漢執金吾丞武榮碑歐陽公謂其文字

殘闕不見卒葬年月及氏族所出予家本

殘闕與歐公同而隸釋所載者則又往往

可讀如云君卽吳郡府卿之仲子敦煌長

史之次第此乃其氏族之所出也但碑文
簡短不書卒葬年月歐公特未之知耳

漢荊州刺史度尚碑

君諱尚字博平其先出自顓頊與楚同姓熊嚴

之後闕一亦世掌位統國法度秦兼天下和之

純質秉黃中之正性知含淵藪仁隆春煖義高

秋雲行潔冰霜忼慨壯厲臨下休譽固已著矣

及其典牧必招振賢才抽拔幽逸選召所任極

當世之秀士養民有下令聞彌崇暉光日新可

謂盛德者已初奉歲計拜郎中除上虞長元化

潛洞百姓下數縣恩信並宣令行禁止以從父

憂去官更舉孝廉爲右校令是時南蠻蠢動擢

拜下醜殊俗賓服遠人用綏封右鄉侯遷遼東

太守旬月之間歲貉寧輯會楊賊畔於下拜中

郎將料敵制勝威謀合神持重優於營平深入

則輕冠軍附士渥於李廣御衆下同滋味必達

井辨幕然後飲舍惠以厚下說以犯難是故所

征輒剋師徒無頓下寇殄殪干戈載戢走馬以

糞朝貪厥重復拜荊州刺史以故秩居冊書慰
薦因賜下之荆域號慕雖周人之思召伯弗此
踰也於是故吏感清廟之頌歎斯父之詩乃下

曰

於惟我侯允懿允明文武是該克忠克貞粵初
發藻在彼上虞邁種厥德下矣匪祿是榮無言

不讎帝揚厥聲俾作配闕字一往撫於荆撫荆惟

何南夏是下邦家截彼海外績莫匪嘉天生我

侯實為民望心乎其愛四方是印如何不永下

而不朽芳烈遺兮

永康元年歲在鶉尾龍集丁未時維闕二歲下

右漢荊州刺史度尚碑尚後漢書有傳碑

今在徐州州治蓋成化開吾鄉顧君崇善

以工部郎中管理河道見其淪於湖陵城

闡出之遂置於此按酈道元水經注云湖

陵城東有度尚碑則自漢至晉自晉至今

而此碑未嘗徙也又隸釋云政和中巡檢

王當世見其在湖陵荒野遷之官廨後邑

金華瑯琊 卷五 四
令滕君欲徙碑於沛舟載而覆沈沒不出
又其後劉宗儀攝令乃立之於使星亭然
不知此碑何年復淪入水中今惟存其首
漢荊州刺史度侯之碑九字其餘文字悉
皆漫滅特頑然片石而已蓋聞水撞激日
久其字之不存宜也

漢桂陽太守周府君碑

桂陽太守周府君者徐州下邳人也諱憬字君
光體性敦仁天姿篤厚行興閨門名闕一州里

舉孝廉拜尚書侍郎遷汝南固始相遂拜桂陽
廼宣魯衛之政敷二南之澤政以德綏化猶風

騰撫集烝細

闕一字

綏有方進則貞直退則錯枉

崇舉濟濟吉士充朝招訓

闕一字

蒙開誘六蔽君

子道長小人道消信感神祇靈瑞符

闕一字

嘉穀

生於野奇草像

闕一字 隸釋作蕙

案

莆異根之樹超然

連理於此

闕一字

時邦域惟寧郡又與南海接比

商旅所臻自瀑亭至乎曲紅壹由此水其水源

也出於王禽之山山蓋隆

闕三字

于天泉肇沸踊

發射其顛分流離散為十二川彌陵隄阻邱阜
錯連隅陬壅遏末由騁焉爾乃貫山鑽石經四闕

字揚爭怒浮沈潛伏虵龍結屈豐隆鬱浥千渠

萬澮合聚谿澗下迄安闕一字案六龍作難

湍瀨闕二字案隸釋作湑泣沔溪雖詩稱百川沸騰

高岸為谷深谷為陵蓋莫若斯天軌所經惡得

已改其下注也若奔車失轡狂牛無縻闕一字勿

荒忽臚睦不相知及其上也則羣輩相隨檀柁

提闕一字唱號忼慨沈深不前其成敗也非徒喪

寶玩隕珍奇替珠貝流象犀也往古來今變甚

終矣于是府君乃思夏后之遺訓闕一字應龍之

畫傷行旅之悲窮哀闕一字案人困厄感蜀

守冰殄絕犁雕堆字嘉夫昧淵永用夷易廼命良

吏闕一字案帥壯夫排積闕一字案石投

之寮闕二字高填下鑿截回曲弼水之邪性順導

其經脈斷硯溢之電波弱陽侯之汹涌由是小

溪蹊字乃平直大道允通利抱布貿絲交易而至

升涉周旋功萬於前除昔闕二字樹基於茲雖非

龍門之鴻績亦人君之德宗故船人歎於水渚
行旅語于塗陸孔子曰禹不決江疏河吾其魚
矣於是熹平三年歲在攝提仲冬之月曲紅長
零陵重安區社字景賢遵承典憲宣揚德訓帥
禮不越欽仰高山乃與邑子故吏龔臺郭蒼龔
維等命工擊石建碑于瀧上勒銘公功傳之萬
世垂示無窮其辭曰

乾以剖兮建兩儀剛柔分兮有險夷谷中嶽兮
穆崔嵬歎衡林兮獨傾虧增陵隋兮甚隘倚鮫

莫涉兮禹不規仰王禽兮又崑崙俯瀧淵兮怛
以悲岸參天兮無路後石縱橫兮流洞洞波隆
隆兮聲若雷或抱貨兮以從利或追恩兮有赴
義汜舟楫兮有不避闕一字躬軀兮於元池委性
命兮於芒砀惜寒慄兮不皇計忽隨流兮殆忘
歸懿賢后兮發聖笑閉不通兮治斯谿蹙巨石
兮以湮填開切闕一字案隸釋作倪兮導曲機摧六瀧

兮弱闕字兮散其波威怒定兮混瀾瀾息聊湫

兮闕字逝兮蛟龍藏陸老唱兮臚人歌名冠世

今超踰倫今稱

闕字

一

今耀流沙功斐斐兮鏡海

喬君乎君乎壽不訾

右漢桂陽太守周府君碑歐公謂其名已殘闕但知其字爲君光而已趙氏引曾南豐之言謂周君名昕以爲歐公考之未詳而其後小字復謂歐公集別有一跋云周君名憬而又以爲字頗近之予按隸釋云君諱憬字君光與歐公後跋正合則南豐所謂名昕者固爲失之而趙氏又何必置

疑於其閒哉

此碑元季廬陵陳謨跋謂漢刻本在瀧上唐重刻本在曲江廟中不知何時徙置郡學韶州守錢旭旣新府治以韶在漢屬桂陽乃徙置之後楊文貞公跋亦云碑在韶州府治按府治今爲淮王府碑由是仍徙曲江廟中東廣漢碑絕少所有惟斯而已

周府君碑陰

故曲紅長零陵重安區社字景賢故舍涯長南

郡闕一字案蒼陸字闕一字夏故滇陽守長南

平丞長沙漢昌蹇祇字宣節故行事耒陽華夏

字漢威故荊州從事曲紅龔臺字少謙故荊州

從事曲紅郭蒼字伯起故荊州從事柳王鼎字

季尼故南部督郵曲紅龔雒字闕一字然故吏曲

紅鄧音字孝直故吏曲紅朱隲字義德故吏曲

紅張涼字子才故吏曲紅龔達字叔通故吏曲

紅黃部字世尼故吏曲紅周蓋字伯嘗故吏曲

紅黃晏字子齊故吏曲紅馬珪字元序故吏曲

紅潭承字曼升故吏曲紅劉鵠字季產故吏曲

紅黃祺字叔仁故吏曲紅周習字仲鸞故吏曲

紅劉越字子省故吏柳褚闕一字讓故吏耒

陽蔡闕一字字已明故滇陽左尉零陵泉陵闕三字

故吏滇陽劉萌字仲闕一字故吏滇陽左勝字仲

升故吏滇陽左龢字妙舉故吏滇陽宋碩字子

張故吏含涯堯禹字公制故吏含涯張邵字曼

威故吏含涯黃詳字伯節工師南陽宛王遷字

子彊

漢衛尉衡方碑

府君諱方字興祖肇先蓋堯之苗本姓闕二則

有伊尹在殷之世號稱阿衡因而氏焉闕三土

家于平陸君之烈祖少以儒術安貧樂道履該

顏原兼脩季由聞斯行諸砥仁癘闕四土階夷

愍之貢經常伯之賓位左馮翊先帝所尊垂名

竹帛考廬江太守兄鴈門太守闕三孝長發其

祥誕降于君天資純懿昭前之美少以文塞敦

龐允元長以欽明耽詩悅書闕三秋仕郡辟州

舉孝廉除郎中郎邱侯相膠東令遵尹鐸之導

保鄣二城參國起按斑敘闕三本肇末化速郵

置州舉尤異遷會稽東部都尉將繼南仲邵虎

之軌飛翼軫之旄操參闕三綏來王之蠻會喪

太夫人感背邶人之凱風悼蓼儀之劬勞寢闇

苦闕一案碑作由仍闕十上言倍榮向哀札服祥除

徵拜議郎右北平太守尋李廣之在邊恢魏絳

之和戎戎戢土佚費省巨億懷闕四靜有績遷

穎川太守脩清滌俗招拔隱逸光大茅茹國外

浮闕一字案碑作諶界繆動氣泄狂闕五歸來洙泗用

行舍藏徵拜議郎遷大醫令京兆尹舊都餘化

詩人所詠並有亡新君闕四隆寬慄鶉火光物

隕霜剿姦振滯起舊存亡繼絕恩降乾太威肅

剝川坤字本朝錄功入登衛闕二翼紫宮風夜惟

寅委蛇在公有單襄穆典謨之風詔選賢良招

先逸民君務在闕一失順其文舉已從政者退

就勅巾永康之末君衛孝桓建寧初政朝用舊

臣雷拜步兵校尉處六師之帥維時假階將授

緄袞字職受任浹旬奄離寢疾年六十有三建寧

元年二月五日癸丑卒詔遣使闕二弔賻禮百

賓臨會莫不失聲其年九月十七日辛酉葬蓋

雅頌興而清廟肅中庸起而祖宗闕一故仲尼

既歿諸子綴論斯干作歌用昭于宣闕一字案碑作諡

即諡以旌德銘以勒勲於是海內門生故吏闕三

字采嘉石樹靈碑鐫茂伐祕將來其辭曰

峨峨我君懿烈孔純高朗神武歷世忠孝馮隆

鴻軌不忝前人寬猛不主德義是經韜綜頌闕一

字溫故前呈攬英接秀踵迹晏平初據百里顯

顯令聞濟康下民曜武南會邊民是鎮惟闕三

憂及退身參議帝室剖符守藩北靖闕二有闕一

字有聲旋守中巒幽滯以榮邁種舊京闕四舍

澤戴仁闕二攸寧剋長剋君不虞不揚維明維

允燿闕一聲香能哲能惠剋亮天工入統

字闕二赴赴光光法言稽古道而後行兢兢業業

素絲羔羊閭閻侃侃顛顛昂昂何規履渠金玉

其相審審王臣羣公憲章樂旨君子闕二无疆

銘勒金石闕五問闕二萬世是傳門生平原樂陵朱登字仲

闕下

右漢衛尉衡方碑其敘門闕云伊尹在殷

號稱阿衡因以為氏君考廬江太守兄鴈

門太守敘官秩云歷郎中郎邱侯相膠東

令遷會稽東部都尉徵拜議郎北平潁川

兩太守太醫令京兆尹入登衛尉至步兵

校尉敘卒葬云年六十三建寧元年二月

五日癸丑卒其年九月十七日辛酉葬文

字詳悉頗為完好漢碑中之不易得者洪丞相謂碑云履該顏原卽顏淵原憲予觀其下繼之云兼修季由蓋仲由一字季路季由卽季路也

金薤琳琅卷五

金薤琳琅卷六

肥陽陳承堂家藏

太僕少卿吳郡都穆

漢酸棗令劉熊碑

漢淳于長夏承碑

漢西嶽華山廟碑

漢元儒先生婁壽碑

漢蕩陰令張君碑

漢酸棗令劉熊碑

君諱榮字孟字關一廣陵海西人也厥祖天皇大

帝垂精接感篤生聖明闕一字 仍其則子孫亨之

分源而流枝葉扶疏出王別允受爵列土封侯

載德相繼不顯闕五字 光武皇帝之元孫廣陵王

之孫俞鄉侯之季子也誕生照明岐嶷踰絕長

古業闕四柴守約履勤體聖心獻敦五經之瑋圖兼

六藉五典如源如泉既練州郡卷舒委隨忠貞

衆星所從三祀有成來臻我邦循東闕一字 之惠

效官闕三字 出省揚土流化南城政猶北辰

抑闕一字 禮官賞進厲頑約之以禮博之以文政

教始初慎徽五典勤恤民殷闕一字 心顧下闕二字

仁恩如冬日威猛烈炎夏貪究革情清脩勸慕

德惠潛流鬯芳翫布九愍縣闕一字 濟濟之儀孜

孜之踰帥厲後學致之雍泮草上之風莫不嚮

應悅誨日新砥闕二字 素七業勃然而興咸居今

而好古雖未盡道善必有所由處民之秉彝寔

我劉父其人魯無君子斯焉取旃允我劉父言

善誘人講禮習聆匪徒豐學屢獲有年闕一字 載

善誘人講禮習聆匪徒豐學屢獲有年闕一字 載

善誘人講禮習聆匪徒豐學屢獲有年闕一字 載

克成神民協欣兩不相傷故德交歸焉自古在

昔先民有作洪勲則甄盛德闕一刻表諸來世

垂之罔極褒賢表善揚幽拔微式序在位量能

授宜官無曠事闕二為正以卒為更愍念烝民

勞苦不均為作正彈造設門更富者不獨逸樂

貧者闕一順四時接和感暢歲為豐穰賦稅不

煩寔我劉父吏民愛若慈父畏若神明悔闕一

令德清越孤竹德牟產奇誠宜褒顯照其憲則

乃相闕一谷度諏詢采摭謠言刊闕一詩三章

其辭曰

清和穆鑠寔惟乾闕一字惟嶽降靈篤生我

君服骨獻聖允鍾厥醇誕生岐嶷言協闕一字墳

懿德震耀孝行通神動履規繩文彰彪績成是

正服以道德民

有父子然後有君臣理財正辭束帛闕一字羹

夢刻像雀鳴一震天臨保漢寔生闕一字勲明試

賦授夷夏已親嘉錫來撫潛化如神其神伊何

靈不傷人

猗歟明哲秉道之樞養闕一字之福惟德之隅淵

乎其長渙乎成功闕一字暇民豫新我闕一字通用

行則達以誘我邦賴茲劉父用說其闕一字案碑作蒙

澤零年豐黔首歌頌

右漢酸棗令劉熊碑集古錄作俞鄉侯季

子碑且謂碑云君諱熊字孟下闕一字復

引後漢書光武子曰廣陵思王荆荆子元

壽等四人皆封鄉侯而不載其名案後漢書元壽

紹封廣陵侯其弟三人皆封鄉侯此叙次未甚明析俞鄉侯者不知

為誰金石錄引酈道元水經注云酸棗城

內有漢縣令劉孟陽碑則所缺一字當從

水經為陽又引李利涉編古命氏及唐宰

相世系表皆云荆王案王字疑衍生俞鄉元侯

平平生彪襲封則熊當為彪之弟乃光武

曾孫而曰元孫者碑之誤也隸釋歐陽公

不知碑在酸棗無以名其官遂謂之俞鄉

侯季子碑而引王建題此碑詩云不向圖

經中舊見無人知是蔡邕碑而又疑其非

中郎筆法予則以爲建生于唐其云蔡邕
碑者蓋本之圖經而非鑿空而言洪氏不
當于此而疑之也

漢淳于長夏承碑

君諱承字仲充東萊府君之孫大尉掾之中子
右中郎將弟也累葉牧守印紱典據十有餘人
皆德任其位名豐其爵是故寵祿傳于歷世策
薰著于王室君鍾其美受性淵懿含和履仁治
詩尚書兼覽羣藝靡不尋暢州郡更請屈已匡

君爲主簿督郵五官掾功曹上計掾守令冀州
從事所在執憲彈繩糾枉忠絜清肅進退以禮
允道篤愛先人後已克讓有終察孝不行大傅
胡公歆其德美旌招俯就羔羊在公四府歸高
除淳于長到官正席流恩褒善糾姦示惡旬月
化行風俗改易輻軒六轡飛躍臨津不日則月
皓天不弔殲此良人年五十有六建寧三年六
月癸巳淹疾卒官嗚呼痛哉臣隸辟踊悲動左
右百姓號咷若喪考妣咳孤憤泣忉怛傷摧勒

銘金石惟以告哀其辭曰

於穆皇祖天挺應期佐時理物紹縱先軌積行
勤約燕于孫子君之羣戚並時繁祉明明君德
令問不已高山景行慕前賢列庶同如蘭意願
未止中遭冤戾不終其紀夙在實祚早喪懿寶
抱器幽潛永歸蒿里痛矣如之行路感動儻魂
有靈垂後不朽

右漢淳于長夏承碑金石錄云元祐中洛
州因治河得之於土壤中刻畫完好如新

隸釋云此碑字體奇怪唐人蓋所祖述又
引梁庾元威論書載隸有十餘種此乃其
閒之一體宋鄭嶠書衡云漢石經諸刻乃
隸體八分夏承碑乃篆體八分然三家皆
不言爲何人書也元王文定公惲跋此碑
云蔡邕書夏承碑如夏金鑄鼎形模怪譎
雖蛇神牛鬼龐雜百出而衣冠禮樂已胚
胎乎其中所謂氣凌百代筆陣堂堂者乎
予由是始知爲中郎之蹟碑在今廣平府

學後刻尚書蔡邕伯喈及永樂七年等字
乃庸妄人所加然心竊疑之楊文貞公集
中亦有此跋謂近歲廣平府民因治河得
此蓋廣平古洺地也所謂近歲恐即永樂
七年予向官京師時廣平通判山西宋孟
清為予言府學復有一碑字與此類予益
疑焉江陰徐子擴好奇士也嘗得舊刻雙
鉤其字近以惠予與此絕異此云勤紹舊
刻作勤約且其閒字之闕者四十有五而
此獨完好則其偽不俟乎言而予昔日之
疑始釋然矣

楊公跋又謂中書舍人陳登以碑為蔡伯
喈書蓋不放王氏文集之故後公撰登墓
志言永樂閒以篆書名者登之外有吳中
滕用亨及四明王尹實予觀三家之篆用
亨第一登不能逮若尹實則惟用燥筆又
在登之下登門人有程南雲者以篆書得
至顯官其用筆雖熟然殊乏古法觀此亦

可以知其師矣

漢西嶽華山廟碑

周禮職方氏河南山鎮曰華謂之西嶽春秋傳曰山嶽則配天乾坤定位山澤通氣雲行雨施既成萬物易之義也祀典曰日月星辰所昭印也地理山川所生殖也功加于民祀以報之禮記曰天子祭天地及山川歲徧焉自三五迭興其奉山川或在天子或在諸侯是以唐虞疇咨四嶽五歲壹巡狩皆以四時之中月各省其方

親至其山柴祭燔燎夏商則未聞所損益周鑒於二代十有二歲王巡狩殷國亦有事于方嶽祀以圭璧樂奏六歌高祖初興改秦淫祀大宗承循各詔有司其山川在諸侯者以時祠之孝武皇帝脩封禪之禮思登假之道巡省五嶽禋祀豐備故立宮其下宮曰集靈宮鑿曰存僊鑿門曰望僊門仲宗之世重使使者持節祀焉歲一禱而三祠後不承前至于亡新寔用邱虛訖今垣趾營兆猶存建武之元事舉其中禮從其

金華珠璣 卷六
元
省但使二千石以歲時往祠其有風旱禱請祈
求靡不報應自是以來百有餘年有事西巡輒
過享祭然其所立碑石刻紀時事文字摩滅莫
能存識延熹四年七月甲子宏農大守安國亭
侯汝南袁逢掌華嶽之主位應古制脩廢起頓
閔其若茲深達和民事神之義精通誠至禘祭
之福乃案經傳所載原本所由銘勒斯石垂之
于後其辭曰

巖巖西嶽峻極穹蒼奄有河朔遂荒華陽觸石
興雲雨我農桑資糧品物亦相瑤光崇冠二州
古曰雖梁馮于幽岐文武克昌天子展義巡狩
省方玉帛之贄禮與岱亢六樂之變舞以致康
在漢中葉建設宇堂山嶽之守是秩是望侯惟
安國兼命斯章尊脩靈基肅其壇場明德惟馨
神歆其芳遏禳凶札擎斂吉祥歲其有年民說
無疆

袁府君肅恭明神易碑飾闕會遷京兆尹孫府
君到欽若嘉業遵而成之延熹八年四月廿九

日甲子就袁府君諱逢字周陽汝南汝陽人孫
 府君諱璆字山陵安平信都人時令朱頡字宣
 得甘陵郟人丞張男字少游河南京人左尉唐
 佑字君惠河南密人主者掾華陰王萇字德長
 京兆尹勅監都水掾霸陵杜遷市石遣書佐新
 豐郭香察書刻者潁川邯鄲公脩蘇張工

案碑君闕一字
 作郭案碑作遷

右漢西嶽華山廟碑予得之御史宋君良
 弼集古錄引碑文云漢武帝巡省五嶽立

宮其下宮曰集靈殿曰存仙門曰望仙而
 以為集靈宮者他書皆不見惟見此碑金
 石錄引漢地理志云華陰有集靈宮水經
 注云敷水北經集靈宮而謂不特此碑載
 之及觀之董氏書跋云集靈宮漢志既書
 之桓譚嘗賦之張昞序曰世宗經集靈之
 宮而復謂三輔黃圖書其制度藝文類聚
 亦書其名則又金石錄之所未及者此亦
 可以見博古之難矣

此碑後題云新豐郭香察書楊文貞公跋
謂漢魏之碑多不載書刻人氏名此獨詳
焉遂因之有聞于今而文貞惟以爲郭香
書而不曰香察其意蓋疑香察不類人名
故也隸釋云東漢循王莽之禁人無二名
郭香察書者察在他人之書其說爲得此
文貞之所未知然洪氏亦不言爲何人書
也按徐浩古迹記以碑爲蔡中郎書浩深
于字學且生唐盛時殆非鑿空而言洪氏
失之于不攷耳

漢元儒先生婁壽碑

先生諱壽字元考南陽隆人也曾祖父脩春秋
以大夫侍講至五官中郎將祖父大常博士徵
朱爵司馬親父安貧守賤不可營以祿先生童
孩多奇岐嶷有志挽髮傳業好學不厭不脩廉
隅不飭小行溫然而恭慨然而義善與人交久
而能敬榮且溺之耦耕甘山林之杳藹遯世無
悶恬佚淨漠徘徊衡門下學上達有朋自遠冕

金華瑣瑣 卷六
紳莘莘朝夕講習樂以忘憂郡縣禮請終不回
顧高位厚祿固不動心鹿絺大布之衣糲糶蔬
菜之食蓬戶茅宇樅樞甕牖樂天知命權乎其
不可拔也是以守道識真之士高尚其事鄉儔
州鄰闕一親愛懷年七十有八熹平三年正月
甲子不祿國人乃相與論德處諡刻石作銘其
詞曰

皇矣先生懷惠惟明優於春秋元嚳有成知賤
爲貴與世無爭徭徒衡門禮義滋醇窮下不苟
知我者天身歿聲鬯千載作珍縣之日月與金
石存

右漢元儒先生婁壽碑集古錄云在光化
軍乾德縣予自夷陵貶所再遷乾德令壽
有墓在穀城界中而碑在墓側遂遷碑還
縣立于勅書樓下則碑在當時得免于毀
棄者歐陽公之力也隸釋云元儒先生蓋
國人私諡猶陳寔之文範法真之元德而
其末流之弊更相標榜三君八顧之目紛

然而奇禍作矣予謂漢人之好標榜其罹
禍固宜然自漢至今千有餘年而私諡不
廢亦未聞有罹禍者此又不可以執一論
也光化軍卽今襄陽府之光化縣而乾德
亦其地云

漢蕩陰令張君碑

君諱遷字公方陳畱已吾人也君之先出自有
周周宣王中興有張仲以孝友爲行披覽詩雅
煥知其祖高帝龍興有張良善用籌策

案舊本作蕭何

誤今改正

在帷幕之內決勝負千里之外析圭於畱

文景之間有張釋之建忠弼之謨帝遊上林間
禽狩所有苑令不對更問嗇夫嗇夫事對於是
進嗇夫爲令令退爲嗇夫釋之議爲不可苑令
有公卿之才嗇夫喋喋小吏非社稷之重上從
言孝武時有張騫廣通風俗開

闕一字

畿寓南苞

八蠻西羈六戎北震五狄東勒九夷荒遠旣殯

通作賓

各貢所有張氏輔漢亶載其德爰旣且

案此

二字合

於君蓋其纏縵纘戎鴻緒牧守相係不

殞高問孝弟於家中謇於朝治京氏易聰麗權
略藝於從畋少為郡吏隱練職位常在股肱數

為從事聲無細聞徵拜

闕一字

中除穀城長螿

螿字

月之務不閑四門鵬正之際休囚歸賀八月莢

案即算字舊誤作莢今改正

民不煩於鄉隨就虛落存恤高

年路無拾遺黎種宿野黃巾初起燒平

闕一字

市

斯縣獨全子賤孔蔑

闕一字

道區別尚書五教君

崇其寬詩云愷悌君隆其恩東里潤色君垂其

仁邵伯分陝君懿于棠晉陽珮瑋

通作韋

西門帶

弦君之體素能雙其勛流化

闕一字

基遷蕩陰令

吏民頡頏隨送如雲周公東征西人怨思奚斯

讚魯考父頌殷前詰遺芳有功不書後無述焉

於是刊石豎表銘勒萬載三代以來雖遠猶近

詩云舊國其命惟新

於穆我君既敦既純雪白之性孝友之仁紀行

來本蘭生有芬克岐有兆綏御有勛利器不覲

魚不出淵國之良幹垂愛在民幣沛棠樹溫溫

恭人乾道不繆惟淑是親既多受祉永享南山

千祿無疆子子孫孫

惟中平三年歲在攝提二月震節紀日上旬陽
氣厥柝感思舊君故吏韋萌等僉然同聲賃師
孫興刊石立表以示後昆其享天祚億載萬年
右漢蕩陰令張君碑碑云君陳畱已吾人
治京氏易少爲縣吏徵拜郎中除穀城長
遷蕩陰令後云中平三年二月故吏韋萌
等刊石立表蓋其去思碑也字特完好可
讀漢碑中之不易得者攷之東漢地里志

蕩陰屬河內郡卽今彰德府之湯陰縣已
吾屬陳畱郡卽今開封府之夏邑縣

此碑予官京師時嘗于景太史伯時處見
舊搨本不及錄近得之友人文徵仲按隸
釋云東漢及魏其碑到今不毀者十才一
二凡歐趙錄中所無者世不復有予生去
宋數百年而此本兩見歐趙錄中蓋未嘗
載隸釋并隸續亦無其文通志金石略所
載碑目雖多然亦未之及乃知昔人之言

金薤琳琅
卷六
五
未必可信而舊物之在天壤間者固不可
盡謂之無也

金薤琳琅卷六

